

II - ARABAKO LURRALDE HISTORIKOAREN TOKI ADMINISTRAZIOA

VITORIA-GASTEIZKO UDALA

FUNTZIO PUBLIKOAREN SAILA

Amaia Barredo Martín Lurraldearen, Klimaren aldeko Ekintzaren, Mugikortasunaren eta Espazio Publikoaren Arloko koordinatzaile nagusi izendatzea

Tokiko Gobernu Batzarrak, 2019ko ekainaren 26an egindako eratzte-bilkuran, Amaia Barredo Martín Gasteizko Udaleko Lurraldearen, Klimaren aldeko Ekintzaren, Mugikortasunaren eta Espazio Publikoaren Arloko koordinatzaile nagusi izendatzea onetsi zuen.

2010eko ekainaren 25ean behin betiko onespena eman zion udalbatzak Gasteizko Udalaren Gobernuaren eta Administrazioaren Araudi Organikoari, non arautzen baitira, besteak beste, gobernuaren eta administrazioaren oinarritzko mailak, eta horien funtzionamendua, antolaketa eta erregimen juridikoa xedatzen.

Araudi horretan berariaz arautu ziren zuzendaritza-organismoak — motak, zereginak eta izendapen-erregimena —, eta, azken horri dagokionez, honela dago jasota 44. artikuluan:

Lehena: Tokiko Gobernu Batzarrak izendatu nahiz kargutik kenduko ditu koordinatzaile nagusiak eta zuzendari nagusiak nahiz antzeko organismoak.

Bigarrena: Toki Jaurbidearen Oinarriak arautzen dituen Legearen 130.3. artikuluan xedatutakoaren arabera izendatu beharko dira.

130.3 artikulua horretan, berriz, honela dago xedatua: “Koordinatzaile nagusia eta zuzendari nagusia, gaitasun profesionala eta esperientzia aintzat hartuta, Estatuko, autonomia-erkidegoetako eta toki-entitateetako karrerako funtzionarioen artean izendatuko dira, edo A1 azpitaldean sailkatutako multzo edo eskaletako gaikuntza nazionalako funtzionarioen artean, salbuespen gisa; eta udal-erregelamendu organikoak ahalbidetzen badu, titularrak ez du zertan funtzionarioa izan beharko, zuzendaritza-organismo horietako eginkizunen ezaugarri bereziak direla-eta”. Gasteizko Udaleko Gobernuaren eta Administrazioaren Araudi Organikoak jasoa du aukera hori, eta, horrenbestez, beharrezkoa denean, zuzendaritza-organismoetako lanpostuak funtzionario ez direnek edo lanpostu horiek betetzeko eskatzen den titulazioa ez dutenek bete ahal dituzte.

Gaitasun profesionala eta esperientzia egiaztatu direlarik, baita eskatzen diren betebeharrak betetzen direla ere, Amaia Barredo Martín Gasteizko Udaleko Lurraldearen, Klimaren aldeko Ekintzaren, Mugikortasunaren eta Espazio Publikoaren Arloko koordinatzaile nagusi izendatzea proposatzen da.

Horrenbestez, Gasteizko Udalaren Gobernuaren eta Administrazioaren Araudi Organikoaren 44. artikulua — Tokiko Gobernu Batzarraren esku uzten baitu zuzendari nagusiak izendatu eta lanpostutik kentzeko eskumena — eta Toki Jaurbidearen Oinarriak arautzen dituen apirilaren 2ko 7/1985 Legearen 124.4.b) artikulua — Tokiko Gobernu Eraberritzeko abenduaren 16ko 57/2003 Legeak aldatua — xedatutakoarekin bat etorritik, alkateari dagokio udal-administrazioaren zuzendaritza, eta, ondorioz, proposamen hau egiten dio Tokiko Gobernu Batzarrari:

Erabaki-proposamena

Amaia Barredo Martín Gasteizko Udaleko Lurraldearen, Klimaren aldeko Ekintzaren, Mugikortasunaren eta Espazio Publikoaren Arloko koordinatzaile nagusi izendatzea, 2019ko ekainaren 26ko eragin-datarekin.

Vitoria-Gasteizen, 2019ko uztailaren 2an

Alkatea

GORKA URTARAN AGUIRRE